



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 258

DATUM: 12.04.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.juriscic@sogfbih.ba

Sadržaj biltena:

Općine Čapljina, Ljubuški, Gradačac, Visoko, Gračanica, Srebrenik i Živinice dobile status grada

Održane dvije radionice na temu "Predstavljanje regulatornog okvira mjesnih zajednica"

U Vijećnici uručene Šestoaprilске nagrade Grada Sarajeva

Poziv načelnicima/ gradonačelnicima iz Udruženja "Djeca-stubovi svijeta"

Giz i Nalas objavili priručnik za praktičare za lokalizaciju Ciljeva održivog razvoja

Općina Centar Sarajevo refundira troškove poreza na kupovinu stana

Nastavlja se sanacija srednjovjekovne tvrđave Stari grad Dubrovnik

Općini Jablanica priznanje za najbolji sistem integranog razvoja

Zatvorena Titova pećina u Drvaru

Najava radionica "Predstavljanje regulatornog okvira mjesnih zajednica"

Bilten Saveza općina i gradova Federacije Bosne i Hercegovine

OPĆINE ČAPLJINA, LJUBUŠKI, GRADAČAC, VISOKO, GRAČANICA, SREBRENİK I ŽIVINICE DOBILE STATUS GRADA

Dom naroda Parlamenta FBiH je 01. aprila/ travnja 2019. godine na prijedlog Vlade Federacije Bosne i Hercegovine po skraćenom postupku razmatrao prijedloge zakona o Gradu Čapljina, Gradu Ljubuški, Gradu Gradačac, Gradu Visoko, Gradu Gračanica, Gradu Srebrenik i Grada Živinice.

Zastupnički dom Parlamenta FBiH ranije je usvojio ove prijedloge, a 01. aprila/travnja ih je potvrdio i Dom naroda Parlamenta FBiH.



Federacija bogatija za sedam gradova

ODRŽANE DVIJE RADIONICE NA TEMU „PREDSTAVLJANJE REGULATORNOG OKVIRA MJESNIH ZAJENICA“



Detalj sa radionice mjesnih zajednica održane u Jajcu

Savez općina i gradova Federacije Bosne i Hercegovine je 27. marta/ ožujka i 03. aprila/travnja 2019. godine organizovao radionice za jedinice lokalne samouprave sa fokusom na regulatorni okvir po pitanju mjesnih zajednica u Federaciji Bosne i Hercegovine. Savez realizuje ove aktivnosti u okviru projekta „Jačanje uloge mjesnih zajednica u Bosni i Hercegovini“ koji finansiraju Vlade Švicarske i Švedske, a

provodi Razvojni program ujedinjenih nacija - UNDP. Na ovim radionicama je predstavljen nacrt Zakona o izmjenama i dopunama Zakona o principima lokalne samouprave u Federaciji Bosne i Hercegovine koji je pripremila Komisija za realizaciju projekta „Statusi mjesnih zajednica u zakonodavstvu Bosne i Hercegovine – nivo Federacije Bosne i Hercegovine“. Komisiju su činili predstavnici sljedećih institucija/organizacija: Federalno ministarstvo pravde, Parlament Federacije Bosne i Hercegovine (Predstavnički/Zastupnički dom i Dom naroda), općine Žepče, Tešanj, Gradačac, nezavisni ekspert, UNDP i Savez općina i gradova Federacije Bosne i Hercegovine. Predstavnici jedinica lokalne samouprave koji su prisustvovali radionicama, iznijeli su svoje stavove i komentare o ponuđenom materijalu, a što će poslužiti Komisiji u daljem radu.



U VIJEĆNICI URUČENE ŠESTOAPRILSKE NAGRADE GRADA SARAJEVA



Gradonačelnik Skaka sa dobitnicima priznanja

Na svečanoj sjednici Gradskog vijeća (GV) koja je održana 6. aprila/travnja 2019. godine u Vijećnici dodijeljene su Šestoaprilske nagrade. U risustvu brojnih zvaničnika najviša gradska priznanja povodom 6. aprila uručena su Bogiću Bogičeviću, Franji Topiću i Fahrudinu Smajloviću. Priznanje "Počasni građanin Grada Sarajeva" dodijeljeno je maestru Mikelandelu Pistoletu (Michelangelo Pistoletto), dok je "Plaketa Grada Sarajeva" pripala Sadeti Dervišević Satki za doprinos koji je dala u ratu kao

medicinska sestra. Iz oblasti privrede i sporta nije bilo kandidata koji su predloženi Gradskom vijeću. Gradonačelnik Sarajeva Abdulah Skaka kazao je da je 6. april jedan od najznačajnijih datuma u historiji grada.

Prva nagrada Sarajevska pahuljica dobila je malonogometna reprezentacija BiH osoba sa dijabetesom. Nagradu grada dobio je Elvir Karalić osnivač Pomozi.ba za iskazanu izuzetnu građansku hrabrost, solidarnost i humanost. Plaketu grada Sarajeva dobili su: Sadeta Dervišević, medicinska sestra Muhamed Bikić, novinar publicista. Posthumno plaketa grada dodijeljena je slovenskom publicisti i ratnom reporteru Ivi Štandekeru, kao i prof. dr. Jasmin Džindo. Počasni građanin grada Sarajeva su glumica Mirjana Karanović, Kris Smit (Chris Smith), američki kongresmen, Mikelandelo Pistoletto, slikar, Krunoslav Cigoju, hrvatski operni tenor (posthumno), te Brus Dickinson (Bruce Dickinson), Iron Maiden. Na svečanoj sjednici Gradskog vijeća prisustvovala je i Vesna Travljanin, direktorica Saveza općina i gradova FBiH.



Grb Grada Sarajeva

POZIV NAČELNICIMA/GRADONAČELNICIMA IZ UDRUŽENJA „DJECA-STUBOVI SVIJETA“

Predsjedništvo Skupštine Saveza općina i gradova Federacije Bosne i Hercegovine je na posljednjoj sjednici Predsjedništva Skupštine SOGFBiH, održanoj 26. februara/veljače 2019. godine u Posušju, prihvatilo prijedlog za saradnju između Saveza općina i gradova Federacije BiH i Udruženja „Djeca-stubovi svijeta“. Na adresu Saveza stigao je dopis predsjednice Udruženja, Fatime Hukić sa željom da se isti uputi Vama, sa molbom da na jedan komad papira uputite poruku u vidu podrške osnovcima vašeg mjesnog područja u njihovom daljnjem životu. Na kraju poruke bi bilo poželjno da stoji: „Vaš načelnik i potpis“, koju biste uputili direktorima osnovnih škola sa područja vaše općine.

Pristigle poruke će se čitati na tribinama koje organizuje pomenuto Udruženje, a prva je na programu 15. aprila 2019. godine, kao i na petom Internacionalnom kongresu „Etika u filozofiji življenja-borba za čovjeka u ljudskom biću“, koji će se održati od 18. do 22. novembra/studenog 2019. godine u Plavoj sali Parlamenta Bosne i Hercegovine.

Udruženje ima za cilj da pošalje u svijet pozitivnu poruku od djece iz Bosne i Hercegovine u borbi za visoka moralna načela i kvalitetno obrazovanje, što je vizija budućnosti i proces kojim teže.

Deklaracija Udruženja je sačinjena na prvom ovakvom skupu u julu 2000. godine u Sarajevu, na inicijativu predsjednice Udruženja, profesorice Fatime Hukić.

Za sve detaljnije informacije možete kontaktirati Amru Kerlu, PR-a Saveza općina i gradova FBiH putem e-maila press@sogfbih.ba ili putem telefona 061/ 265 517.

Udruženje ima za cilj da pošalje u svijet pozitivnu poruku od djece iz Bosne i Hercegovine u borbi za visoka moralna načela i kvalitetno obrazovanje, što je vizija budućnosti i proces kojim teže.



GIZ I NALAS OBJAVILI PRIRUČNIK ZA PRAKTIČARE ZA LOKALIZACIJU CILJEVA ODRŽIVOG RAZVOJA

GLOBALNI CILJEVI ODRŽIVOG RAZVOJA



Njemačko društvo za međunarodnu suradnju (GIZ) i NALAS (Mreža asocijacija lokalnih vlasti u jugoistočnoj Europi) objavili su "Agenda 2030 u mom gradu – priručnik za praktičare za lokalizaciju Ciljeva održivog razvoja". 2015. godine države članice UN-a usvojile su Agendu za održivi razvoj do 2030. godine, te njene ciljeve održivog razvoja i principe implementacije, koji

predstavljaju viziju svijeta 2030. godine kojem bismo trebali težiti. Ovih 17 ciljeva sa 169 mjera pokriva široku lepezu sektorskih politika. Lokalne i regionalne vlasti odigrale su važnu ulogu u uticaju na definiranje ciljeva održivog razvoja, uspješno se bore za samostalni cilj o održivim gradovima i ljudskim naseljima (SDG 11), te za međunarodno priznavanje središnje uloge lokalnih i regionalnih vlasti u održivom razvoju.

Budući da se ciljevi održivog razvoja Agende 2030 moraju postići na globalnom, nacionalnom i subnacionalnom nivou, uspjeh ovog ambicioznog programa ovisi o aktivnom uključivanju svih nivoa vlasti i raznih interesnih grupa. Okvir ciljeva održivog razvoja sa svojom univerzalnom definicijom ciljeva i mjera mora se prilagoditi konkretnim situacijama i specifičnim potrebama stvaranja stvarnih koristi za konkretne ljude i njihove životne uslove. Ovaj proces uzimanja u obzir subnacionalnih konteksta u postizanju Agende 2030 je ono što razumijemo pod „Lokaliziranjem ciljeva održivog razvoja“. Lokalizacija se odnosi i na to kako ciljevi održivog razvoja mogu pružiti okvir za politiku lokalnog razvoja i na način na koji lokalne i regionalne vlasti mogu podržati postizanje ciljeva održivog razvoja kroz djelovanje odozdo prema gore. U tom smislu, ključni su kapaciteti lokalnih struktura za implementaciju Agende do 2030. godine i praćenje ostvarivanja ciljeva održivog razvoja na lokalnom nivou, te uključivanje javnog, privatnog i civilnog sektora.

Ovaj je priručnik dizajniran da služi upravo toj svrsi. Pomoći praktičarima na lokalnom nivou u poboljšanju njihovog znanja i jačanju njihovog razumijevanja važnosti Agende 2030, te ciljeva održivog razvoja na lokalnom nivou, kako bi povećali svoje kapacitete da postanu promotori ciljeva održivog razvoja i da bi mogli senzibilizirati druge zainteresirane strane. Priručnik pruža ključne informacije o ciljevima održivog razvoja, objašnjava ulogu jedinica lokalne samouprave u njihovoj implementaciji, te istražuje alate za podizanje svijesti koje bi JLS-ovi mogli iskoristiti kako bi približili ciljeve održivog razvoja svojim građanima. U Priručniku se također navode različiti primjeri iz regije i šire, koji ilustriraju šta su gradovi i općine učinili da promovišu Ciljeve održivog razvoja i kako je to uticalo na njihovu dobrobit. Priručnik također pruža savjete o integriranju Ciljeva održivog razvoja u lokalne strategije i istražuje ulogu koju udruženja lokalnih vlasti i NALAS igraju u mobiliziranju gradova i općina za postizanje ciljeva održivog razvoja. Priručnik je na engleskom jeziku i može se preuzeti sa sljedećeg linka

http://www.nalas.eu/News/SDGs_Handbook

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmamed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



OPĆINA CENTAR SARAJEVO REFUNDIRA TROŠKOVE POREZA NA KUPOVINU STANA

Općina Centar raspisala je Javni poziv za podnošenje zahtjeva za ostvarivanje prava na refundiranje dijela troškova plaćenog poreza na promet nekretnina ili plaćenog poreza za dodanu vrijednost (PDV) za mlade iz sredstava općinskog budžeta za 2019. godinu.

Javni poziv je objavljen u četvrtak, 11. aprila 2019. godine u dnevnom listu "Oslobođenje" i na općinskoj web stranici: www.centar.ba (Javni pozivi, konkursi, oglasi) i ostaje otvoren tokom cijele 2019. godine, a u skladu sa raspoloživim budžetskim sredstvima.

Pravo na dodjelu ovih novčanih sredstava imaju mladi do 38 godina sa prebivalištem na području općine Centar, a koji prvi put rješavaju stambeno pitanje kupovinom stana na području općine Centar.

U javnom pozivu su navedeni kriteriji za refundiranje troškova poreza na promet nekretnina ili PDV prilikom kupovine stana, kao i potrebna dokumentacija. Zahtjev sa dokumentacijom potrebno je podnijeti putem protokola Službi za registar, upravljanje imovinom i katastar nekretnina – Odsjek za stambene poslove.

Za sve dodatne informacije zainteresirani mogu pozvati brojeve telefona: 033/562-343 ili 033/562-349.



Grb Općine Centar Sarajevo

NASTAVLJA SE SANACIJA SREDNJOVJEKOVNE TVRĐAVE STARI GRAD DUBROVNIK KOD ILIJAŠA



Stari grad Dubrovnik kod Ilijaša

Ministar prostornog uređenja, građenja i zaštite okoliša Kantona Sarajevo Damir Filipović i načelnik općine Ilijaš Akif Fazlić potpisali su 08. aprila/travnja 2019. godine sporazum o finansiranju nastavka radova na sanaciji i zaštiti Starog grada Dubrovnika, srednjovjekovne tvrđave na području naselja Višnjica i nacionalnog spomenika BiH.

Ministarstvo je osiguralo 60.000 KM, a Općina 30.000 KM za istražne i hitne konzervatorske radove, kao i stručni nadzor, te sanaciju južnog perimetralnog zida između istočne i južne kule te srednjovjekovne građevine.

- U posljednjih nekoliko godina započeti su radovi na revitalizaciji pojedinih dijelova povijesne jezgre Starog grada. Zadovoljstvo nam je da se mogu nastaviti, i to zahvaljujući Vladi KS i resornom ministarstvu koji su prvi put izdvojili sredstva za ovaj projekt. Nadam se da će u narednom periodu biti više angažmana i sredstava kako bismo došli do završne tačke kada će projekt obnove povijesne jezgre biti završen - naveo je Fazlić.

Projekt restauracije i konzervacije srednjovjekovnog grada je od izuzetnog značaja za BiH, ali i donosi brojne benefite s turističkog i ekonomskog aspekta, naglasio je Filipović.

- Stari grad Dubrovnik svjedoči o postanku Bosne, o pravima definiranim u Povelji o slobodi kretanja roba i ljudi u srednjovjekovnoj Bosni, kada je bio i njen stolni grad i ispostava dubrovačkih trgovaca, ali i drugim značajnim historijskim faktima - dodao je.

Prošle godine godini završeni su radovi na istočnoj kuli tvrđave.

Sredstvima koja su osigurana današnjim sporazumom počinje prva faza restauracije južnog perimetralnog zida koji će povezati južnu i istočnu kulu. Nakon što se okonča i restauracija južne kule, ovaj lokalitet bi mogao biti stavljen u turističku ponudu Grada Sarajeva.



Grb Općine Jablanica

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemeu.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINI JABLANICA PRIZNANJE ZA NAJBOLJI SISTEM INTEGRIRANOG RAZVOJA

Zgrada Općine Jablanica

Općina Jablanica ima najbolji sistem integriranog razvoja u BiH u 2018., a to značajno priznanje stiglo je od Projekta integriranog lokaog razvoja (ILDP), Razvojnog programa Ujedinjenih nacija (UNDP) i Švicarske agencije za razvoj i saradnju. Priznanje je ostvareno u konkurenciji 22 lokalne samouprave u BiH uključene u ovaj Projekat. "Općina Jablanica je svojim uspješnim i kvalitetnim radom ostvarila značajan napredak u uspostavi efikasnog sistema za upravljanje lokalnim

razvojem u posljednje dvije godine te je zaslueno ostvarila pravo na dodjelu granta u ukupnom iznosu od 70,000 USD", navodi se u obrazloženju priznanja. Prva nagrada za najveći rast zabilježena je u Opštini Vlasenica, dok je za prvu nagradu za najbolju jedinicu za upravljanje razvojem (JURA) predložena Opština Laktaši. S obzirom da je Jablanica imala najviše bodova i u ovom segmentu, članovi projektnog odbora odlučili su da je mnogo učinkovitija dodjela nagrade za drugorangiranu Opštinu Laktaši.

ZATVORENA TITOVA PEĆINA U DRVARU

Titova pećina u Drvaru biće zatvorena za turiste do daljnjeg, jer je odron uništio drvenu baraku, a opština nema sredstava za saniranje, rekla je načelnica Općine Drvar Dušica Runić. Ona je naglasila da je Titova pećina, koja se nalazi u Spomen-kompleksu "25. maj 1944" jedan od glavnih izvor prihoda ove općine, ali da su, ipak, primorani da je zatvore zbog bezbjednosti turista.

Runić je pojasnila da je do odrona došlo poslije višemjesečnih padavina, kada je na području općine krajem januara proglašeno stanje elementarne nepogode.

"Dio Titove pećine, tačnije drvena baraka koja je u sklopu Spomen-kompleksa "25. maj 1944" uništena je zbog odrona stijena" rekla je Runić.

Ona je naglasila da je općina Drvar u vrlo teškoj finansijskoj situaciji, da nema sredstava za saniranje oštećenja, a da su se za pomoć obraćali federalnim i kantonalnim institucijama i nisu naišli na razumijevanje.

"Zahtjeve za pomoć slali smo kantonalnim i federalnim institucijama, ali niko nije imao sluha. Iz Kantona 10 nismo dobili nikakav odgovor, dok je Federalna uprava Civilne zaštite odgovorila da rješavanje tog problema nije u njihovoj nadležnosti", dodala je Runić.

Ona je napomenula da se 25. maj u Drvaru tradicionalno obilježava kao dan kada je 1944. godine slomljen fašistički vazdušni desant na ovaj krajiški grad.

Runić je napomenula da se u spomen-kompleksu nalazi i Muzej "25. maj", koji se sastoji od historijskog i etnografskog dijela.

Titovu pećinu godišnje posjeti od 5.000 do 10.000 turista. Do posljednjeg rata Titovu pećinu i Memorijalni kompleks "25. maj" godišnje je posjećivalo i do 200.000 turista, a ova destinacija nekada je predstavljala nezaobilazni dio mnogih učeničkih izleta, ekskurzija i turističkih tura kroz Jugoslaviju. Titova pećina obnovljena je i otvorena za turiste 2006. godine, a Memorijalni kompleks sa Muzejom "25. maj" 2009. godine, kada je obilježeno 65 godina od neuspjelog njemačkog desanta na Drvar u Drugom svjetskom ratu.



Titova pećina u Drvaru



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

NAJAVA RADIONICA „PREDSTAVLJANJE REGULATORNOG OKVIRA MJESNIH ZAJEDNICA“

Savez općina i gradova Federacije Bosne i Hercegovine će u narednom periodu, za svoje članice, organizovati radionice sa fokusom na regulatorni okvir po pitanju mjesnih zajednica u Federaciji BiH. Na radionicama će biti predstavljen nacrt Zakona o izmjenama i dopunama Zakona o principima lokalne samouprave u Federaciji Bosne i Hercegovine koji je pripremila Komisija za realizaciju projekta „Statusi mjesnih zajednica u zakonodavstvu Bosne i Hercegovine - nivo Federacije Bosne i Hercegovine“. Ovu Komisiju su činili predstavnici sljedećih institucija/ organizacija: Federalno ministarstvo pravde, Parlament Federacije Bosne i Hercegovine (Predstavnički/Zastupnički dom i Dom naroda), općine Žepče, Tešanj, Gradačac, nezavisni ekspert, UNDP i Savez općina i gradova Federacije Bosne i Hercegovine. Prva radionica je održana 27.marta/ožujka 2019. godine u Tomislavgradu, dok je druga održana 3. aprila/travnja 2019. godine u Jajcu. Naredne radionice će se održati u Tešnju u srijedu, 17. aprila/travnja, i u Sarajevu u utorak, 23. aprila/travnja tekuće godine. Radionice će voditi prof.dr. Šukrija Bakšić koji je učestvovao u radu Komisije.



Sa radionice održane u Tomislavgradu

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

Naredne radionice će se održati u Tešnju u srijedu, 17. aprila/travnja i u Sarajevu u utorak, 23. aprila/travnja tekuće godine. Radionice će voditi prof.dr. Šukrija Bakšić koji je učestvovao u radu Komisije.